ЁМРОН

Укйъутак 1944 гиўгими хўаңкута ыскуныгмың такнамта катнугъяхтугнакумакут Қышымун Гухынкагункутхун. Нувуками каяныпик ыкукут. Аңкигналгит тамакут Ыкалункут ыкакапут акуна упьюгалуки. Кымлинанкут. Накам имагнигругакук, кеңитыпихлъуни. Месысу аньяхпут акуна санихлъуку аньяхлъук утукак усеныхтупихлъыге.

Таўатын усилильҳагыльта қатңугнакукут. Гўарат ивыругык қатңуҳныгмың аҳтупихтақуқ. Нақам Гульқугьи ивыруҳтыкақаҳпут. Таўҳкын кынгўат қатңугаҳтак. Каңискумун қанлемта Макагның таўҳкын гўэтхынлакут Туңилегнун. Нақам амальи уноми Каңискуқ сали анукльимауқ.Тайъпиңкын кылоның кевгагыт ысимат. Итык нақам ыльмагақ. Нақам тами аньями углапик ыкумаўқ, 34 юк.

Мавык Қышылъыге, больницамун акуна. Максимовынкук такук ыскухтык нулекулъутык мани аглуяхқалътык тыкитақук тукухтупихлъутык.

Таўатын ыглыхсималъта Гухынкаун агиўқ:

- Ымгым ухтыпихтетыкут ивыругыгынкун!
- Нақам тана апыґақыкит ивыруґвит қулъулуки.
- Қулъухкун ухтыпихтетыкут ымгым!

Сивонун таевык писи! Сивуягми ытақукут гуи-ам, Ненетегын, Ататегын. Пегынна: «Сивуйим қайңанун ухтын! Сивуйим қайңанун ухтынама утыгмун ысхапако. Тае Гухынкаум такук Улъкенашынкук Апқалуналью нукальпегумалукык: «Ўавык тетык!» Агук тае. Қылыги умьюгарахтук, кинъақыкумта капенахлъыклъукык савихлъугмың.

Эрмен ақум сайңани тасни тугулуку ымыҳтатыҳлъук, лъыган қалупихтақуқ аңатугипихлъуни.

Ыныкитык, куканун ысҳагъялгена Кымлинанкук Ықалуклъу аңкигналгик, сивони инаҳталгик, лъыган кинъяқупихтақук